



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

48 Canonicus qui consentit reservationi pensionis super sua praebenda,
de jure pinguorem, & libera[m] optare non potest.

urn:nbn:de:hbz:466:1-10316

lum non habet illarum administrationem, etiam si statutis caveretur, quod quilibet decennio præbendæ æquari, & simul confundi, ac de novo dividi, ac assignari deberent, si ab immemorabili tempore non fuerit facta confusio, & nova divisio, à quo tempore præbendæ statum separatum, & distinctum suscepereunt, & statuta usum amiserunt, ut in capitulo cathedralis Vercellen, in quo licet habeatur statuta de præbendis adæquandis, tamen præbendæ habent propria prædia, propriosque fines distinctos, aliæque opulentos, & aliæ exiguo redditus habent, nec immemorabili tempore citra fuerunt adæquatae, nec hodie sine omnium canonicorum consensu possent adæquari, teneo hoc casu, titularem ad pensionem non teneri, quia cum pensione sit onus reale, & ipsa bona producentia redditus censeantur principaliter obligata, & hypothecata pro pensione, ut per Felyn. eod. cap. ad audientiam. nu. 6. cum alijs supra allegatis, & taliter provisus nullos fructus præcipiat ex præbenda, & membris hypothecatis ad pensionis, solutionem non tenetur. Paris. conf. 52. num. 5. volu. I. Qui enim non percipit fructus, ad solutionem pensionis impositæ non tenetur, ut per Gig. eo tract. de pens. qu. ult. n. 16. & Monet. de distrib. quot. par. 3. quest. 8. numer. 27. ultra quod consensu eorum, qui optarunt, fuit liberatus, quia si nolabant onus, poterant non optare, & damnnum, quod eorum culpa sentiunt, sibi & non aliis debent imputare, cap. damnum. de reg. jur. in 6. cum vulg.

48 Si vero titularis † pro canonicatu, & præbenda obtainenda, reservationi pensionis super eodem canonicatu, & præbenda consensit, & de illa persolvenda se

obligavit, tunc capitulum optioni alterius præbendæ consentire non tenetur, quia, cum dictus canonicus consenserit oneri pensionis, non potest præbendam suo facto tali pensione oneratain dimittere & liberam optare, cum alteri per alterum iniqua conditio inferri non possit, nec exequitas concedat, aliquem cum alterius jactura locupletari. I. nam hoc natura ff. de cond. indeb. & Menoch. conf. 27. numer. 36. tom. I. sed nisi eadem pensione per obitum, aut alias legitime extincta, eandem præbendam semper retinere tenetur, nisi capitulum ex gratia speciali, aut alias optionem admittere, quia cum tunc de solo interesse capituli agatur, † quilibet iuri suo potest renunciare, Jas. in l. cum proprias. numer. 2. C. de tract. & dummodo novo impetranti in præbenda debita præiudicium non inferatur, per optionem admissam, præbenda optata erit ab onere pensionis immunis, † cum pensione semper sequatur beneficium ex supra deducatis, & propterea transferri non possit de beneficio ad beneficium, nec de persona ad personam sine Papæ auctoritate, ut per. Gig. de pens. qu. 12. nu. 2.

Nihilominus erit in optione pensionarij, qui habebit actionem realem, & personalem contra quem agere velit ad pensionis decursæ, vel decurrentiæ solutionem. † poterit enim agere contra præbendæ possessorem, aut ejus haeredem pro decursis, quando interfuit obligatio in forma cameræ Apostolicæ, quia haeres fuit etiam obligatus, sive contra anteriorem possessorem obligatum, qui dimissa præbenda, aut membro, cuius causa te obligavit, adhuc vivit, arg. eorum, qua trad. Bellenz. in tract. de subsid. charitat. quest. 45. vers.

